

ULLOQ 02.Oktober 2023

UKA 2023/25

[Pilersaarusiorneq aamma nunaminertat atorneqarnerat pillugit Inatsisartut inatsisaata allangortinnissaa pillugu Inatsisartut Inatsisaat]

(Piujuartitsisumik ineriartortitsinerup imarisaa pillugu aalajangersaaneq, nuna tamakkerlugu pãilersaarutip imarisaa tamanullu saqqummiussinerq, immikkoortunut pilersaarusiornermut ataqatigiissaarineq, sumiiffinnik aalajangersaaneq, sammiliviinissamut pilersaarusiorsinnaaneq, nunap immikkoortuinut pilersaarutinut pingaarnernut sinaakkutinik immikkoortunillu aalajangersakkanut eqqussineq, kiisalu suliniutissanut qinnuteqaatinut aalajangersakkanik erseqqissaaneq)

(Aningaasaqanermut Naalakkersuisoq)

[Naalakkersuisut siunnersuummut qutsavigaagut imatullu Siumumiik oqaaseqaateqassalluta:

Siumumiit Naalakkersuisut paasilluarpagut, tassa Pilersaarusiortarneq Nunaminertanillu atuineq pillugit ilaatigut atuisuniit Digitalikkut ullutsinnut naleqqusaanissap pisariaqalersimanera, tamatumalla malitsigisaanik Inatsisip nalimmassarnissaa pillugu nutarterisoqartariaqalersimasoq oqariartuutigineqartartoq tusaallugu suliniarneq pimmat

Siunnersuutip atuarnernani ilaatigut iluarisimaarnarpoq ukiut sisamakkaarlugit Naalakkersuisut sanaartorfissanik pileraarusiornermi inuiaqatigiinni takussutissiortalertussaammata, tamanna qarasaasiakkut tamanut saqqummiunneqartarnissaa siunertaavoq, tamanna tunngavimmigut ajunngilaq, kisianni ilisimavarpulli kikkut tamarmik qarasaasiaqanngimmata, taamaattumik nunaminertanik piffimmi, aammalu piffiup qanitaani pinngortitami tunniussisoqartillugu pingaartutut isigaarput piffinni allagarsiiviup aamma atorneqartuarnissaa, taamaalilluni innuttaasut amerlanerpaat ilisimatinneqarnissaat anguneqassammat

Ilanngulluguttaaq maluginiarparput Inoqarfinni mikinerusuni nunaminertanik aqutsisneq inoqarfinnut anginernut sanilliullugu sakkukinnerusussaasoq tamannalu iluarisimaarparput, ilanngullugu erseqqissaatigerusunnarpoq tassa inoqarfiit nunaminertaat assigiinngimmata, ilaatigut kabilit kallerup inneranoortut nunamut assaanneqarsimasarput, siunissamilu sanaartortoqassatillugu pingaarluinnartuuvoq tamakkua piffikkaartumik sumi sumullu sammisumik inissisermanersut atituumik ilisimaneqarnissaat, taamaasilluni sanaartornissat imaluunniit nunaminertanik tunniussinissat isumannaannerusumik inissisimanissaat qulakkeerneqarsinnaammat

Tassa nunarput eqqarsaatigalugu inoqarfiusut siammasissumiinnerata kingunerivaa ilaqarmata sanaartorfissanik inissaaleqiffiusunik, aammali ilisimavarput ilaqarmata ajornaquteqanngitsunik sanaartorfissaqqissunik inissisimasunik

Sanaartorfissaasuanermi ilanngullugu eqqarsaatissiisutigerusunnarpoq illuutit pigineqartut qanganitsertut atorineqanngitsullu, ilaatigut ajoraluartumik illut ikuallassimasut nungusimasullu qanoq ililluni pitsaanagerusooq anguniarlugu toqqaviisa sanaartortussanut soqutiginnittunut pigineqalersinnaanerata misissuiffigineqarnissaa, tamanna sineriammi ilaatigut ajornartorsiutaasoq ilisimaneqarmat, soorunami pigineqartarmata imaaliiallaannaq aaqqiisoqarsinnaasanngitsoq nalunngilarput, arlaatigulli misissuinikkut pisariinnerusumik eqaannerusumillu aqqutissiunneqarsinnaappata illuatungeriinni paaseqatigiissinnaaneq piussasoq naatsorsuutigaarput, tassungalun tunngatillugu ilanngullugu eqqaarusunnarpoq illup tuninerani aammalu piginnittunngorlaap allamut tuneqqinnerani illumut pinginnittuunermut uppernarsaat (Skøde) ilaatinneqarsimatinnagu illumik siullerpaamik piginnittuusoq tassaasarmat inatsisitigut illumik piginnittoq, taamaammat tamatumap ilanngullugu erseqqarissuunissaa kissaatitsinnut ilaatipparput

Aammattaaq oqariartuutigissuarput inoqarfinni assigiinngitsuni piffiit annertuut eqqissisimatitaasarmata, aammalu eriagisassanngortinneqarsimasut amerlammata, tamanna tunngavimmigut ajunngikkaluarluni nunaminertanik annertuunik atuisinnaannginnermik kinguneqartartoq ilisimavarput, tamatumallu ilursiiviginissaanut suliniartoqartariaqartoq isumaqarpugut

Pragraf 21 imm 3-mut tunngatillugu oqariartuutigissuarput inoqarfiit 500-nik amerlanerusunilluunniit eqqarsaatigalugit tamatigut pilersaarummik suliaqartoqartarnissaa, tamanna isumarput malillugu Kommunini pineqartuni aalajangiiffigineqartariaqartutut isigigatsigu, tassami innuttaasunut killigititaq annikitsumik ataanneqarsimatillugu pingaaruteqarmat ilumut pilersaarusiortarnissap pisariaqassusaa aalajangiiffiussappat oqartussaaffik Kommuninippat pitsaassammat

Iluarisimaakkatsinnut ilaavoq Kommuninut pilersaarummi qarsutsisoqarnissaanut imaluunniit nungullariartortoqarnissaanut sumiiffiit toqqarneqarsinnaassammata tamanna siammasissumik sillimaniarnikkullu iluaqusiisinnaasoq takusinnaagatsigu iluarisimaarparput

Sillimaniarnissaq eqqarsaatigalugu piffinni inoqarfinni minnerusuni illutit illullu ungasissusissaata siammasissumik ilisimaneqarnissaa pingaartutut isigaarput, tamanna assersuutigalugu ikuallattoqalissagalarpat piffinni qatseruteqarnikkut inissisimaneq eqqarsaatigalugu pingaartutut isiginiarneqarnissaa pisariaqartuummat

Ilisimavarput nunarput isorartuujusoq aammalu inoqarfeqartoq ukiumut marloriaannartumik imaatigut pajuttunik tikinneqartartunik, taamaammat §45-mi imm.5-tut ilanngunneqartussaq, tassa sanaartorfissanik nalunaaruteqarnermi nunaminertaq qaammatini arfinilinni



immikkoortinneqarsinnaasoq allaqqammat, ilallunilu immikkoortitsinerit
sivitsorneqarsinnaanngitsut, tamanna immikkut isiginiartariaqartunut
ammanerusariaqartoq isumaqarfigaarput, tamannalu ataatsimiititaliami eqqartugassanut
ilaassasoq kissaatigalugu

Tusarniaanermi akissuteqartut misissorneranni iluarisimaarnarpoq amerlasuutigut
akissuteqaammik apuussiffiqineqarimammata, aammalu malunnarluni uparuaatit ilaat
Inatsisissamut ilanngunneqarsimasut tamannalu iluarisimaarparput

Siunnersuutip tunngavia paasilluarlugu Aningaasaqarnermut ataatsimiititaliamut suliarilluarnissaa
siunerataralugu ingerlateqqipparput, naatsorsuutigalugu uparuaatigisagut ilanngullutik
oqimaalutarneqarumaartut

]

[Jens Kristian Therkelsen, Siumut/